

Yungzsuij: Hawj Dangjyenz Liuzdung Hag Lizzij Aendangj “Mbouj Lotdoih”

融水：让流动党员学党史“不掉队”

Yungzsuij Myauzcuz Sweiyen daj son' gyauq lizzij aendangj dox-daeuj, aeu lai cungj fuengfap moq bang gyoengq dangjyenz liuzdung hag lizzij aendangj.

Aen yienh neix laebbaenz doengh aen cujeiz dangjyenz liuzdung. Gak aen gihcwngz dangjucjiz haeuj mbanj haeuj ranz, dwk denva daengj, gaenx-maenx bae mo cingcuj gij cingzgvang dangjyenz youq baihrog doegsaw, guhhong haenx. Daengx yienh seizneix gungh miz 1500 lai boux dangjyenz

liuzdung, gaenq gvihaeuj gak mbanj dangjicibu liuzdung bae lo. Dangj-cihbu dinghgeiz caeuq gyoengqde gyauhliuz, camcam gij siengjap caeuq ndwenngoenz gyoengqde, bauj-maenh dangjyenz gibseiz hag lizzij aendangj.

Yienh de lij guh bingzdaiz hawj gyoengq dangjyenz sonhag lizzij aendangj. Daengx yienh gak gihcwngz dangjucjiz hai QQ、veihsin ginz dangjyenz liuzdung, dinghgeiz fat gij dajsuenq moix ndwen、gij sibinz caeuq

mbawdoz hozdung daengj, gyoengq dangjyenz caemh youq ndawginz lwnh goj aendangj, gangjgangj gyoengqde dwg baenzlawz siengj. Yienh de caiq dazyinx gyoengq dangjyenz youq “Hagsib Guekak”、Gvangjsih Ganbu Vangjloz Yozyen、“Yungzsuij Fatbough” daengj bingzdaiz gwnzde hagsib.

Yienh de caemhcai gyamaenh gij makbaenz sonhag lizzij aendangj. Dangjucjiz dingh 《Gij Lizzij Cunghgoz Gungcanjdangj》 daengj 4 bonj saw hawj gyoengqvunz hagsib, dingh-

geiz anhbais “cozyez”: Moix ndwen cungj aeu hawj dangjucjiz veibau swhsiengj cingzgvang. Caemhcai mbouj dingh seiz guh hozdung ciengjap gij cihsiz lizzij aendangj daengj.

Yungzsuij couhdwg yienghneix bae coicaenh gij dangjyenz liuzdung “liz ranz mbouj liz hag” “guh hong mbouj nguh hag”, hawj dangjyenz liuzdung youq baihrog hag lizzij aendangj mbouj lotdoih.

(Vuz Cincuh Cinz Cunghdwz Vuz Cenzcin / 吴进初 陈忠德 吴全真)



▲Vunzmbanj sim' angq najriu sou makit.

Cenzcouh Mbanjgo' ndoek: Makit Ndaej Sou lo

全州毛竹山村：葡萄熟了

Mboengqneix makit ndaej sou lo, Gveilinz Si Cenzcouh Yen Mbanjgo' ndoek, gij makit gwnzgo ndaek roix ndaek roix venjeve, hawj vunz sim' angq raeuh. Vunzmbanj cingq youq ndawsuen daet mak, genj mak ndaej le doq cang hwnj ci, gai daengz ndaw gih raeuz caeuq Huznanz、Gvangjdungh daengj dieg bae. Mbanj de daj bi 2002 hainduj sawq ndaem makit, daengz seizneix ndawmbanj gaenq ndaem le 300 lai moux makit, miz digiuzhoengz、lwgfwnzgim daengj binjcungj. It bi ndaej sou 100 fanh gaen mak, souhaeuj mauhgvaq 350 fanh maenzngaenz, caemhcai guhyiengh daiqdoengh gij mbanj seiqhenz gyawj ndaem le song fanh lai moux makit dem. Aen makit iqet bienqbaenz aen “mak baenzmiz” caencingq ndeu, youh guh' ok aen canjnieb hung daeuj, coengh-rengz guhhoengh lajmbanj.

(Dangz Gvangjdungh / 唐广东)

Aeu Vunqsik “Dangjen +” Coicaenh Minzcuz Doxgiet

以“党建+”模式助推民族团结

Gyawj duenh neix doxdaeuj, Hocouh Si Bazbu Gih aeu aen vunqsik “dangjen +”, youq swhsiengj dazyinx、vwnzva binjbaiz、gwndaenj gensez sam fuengmienh mboujduenh cukmaenh gij giekdaej cauhaeb minzcuz doxgeit baenaj, caiq guh' ok makbaenz daeuj. Gih de aeu gij gensez aendangj bae dazyinx hongsaeh cauhaeb minzcuz doxgiet baenaj, cuknet aen sw-

siengj cindi cawjdaez, caiq haivat minzcuz vwnzva dieg de, cauhaeb minzcuz binjbaiz, youq dieg siujsoq minzcuz caeuq dieg siujsoq minzcuz comzyouq haenx guh canjnieb miz daegsaek. Bi' gvaq Bazbu Gih aeu ndaej aen mingzdaez swcigih buek daihsei q aen yienh gih guhyiengh minzcuz doxgiet baenaj.

(Cauh Dauz / 邹桃)

Dajdoeng “Goengleix Roen Gatsat” Daj Yizmyauz

打通疫苗接种“最后一公里”

8 nyied 12 hauh, vunzmbanj Liujcouh Si Yungzanh Yen Cangzanh Cin Mbanjdabauz cingq youq aen ci daj yizmyeuz binghra q bwtndat gwnzde daj yizmyauz. Ngoenzde, Yungzanh hainduj hai ci haeuj mbanj bae bang doenghboux vunz laeng dieg bien gyae、okdou mbouj bienh、haemq baenzgeq haenx daj yizmyauz. Neix dajdoeng

le “goengleix roen gatsat” daj yizmyauz, caenhrengz hawj vunz-vunz cungj ndaej daj hwnj yizmyauz, hoh ndei ginzcong sengmingh anhcienz, hawj daengx biengz doxcaez okrengz cukbaenz diuz cangzcwngz fuengzre binghra q gaenjmaed ndeu.

(Danz Gaijhingh Lungz Danh / 谭凯兴 龙丹)



▲Boux mehmbwk youq gwnz ci daj yizmyeuz. Danz Gaijhingh ingi